

Rector Magnificus Miguel Goede:

"Gobièrnu mester bai hinka plaka den Universidat pa sanea e instituto"

WILLEMSTAD - "Gobièrnu di Kòrsou mester bai hinka plaka den Universidat di Kòrsou ku ta konfrontá défisitan finansiero grandi". Asina Rector Magnificus dr. Miguel Goede a bisa ayera nochi na selebrashon di e di 32 aniversario di lantamentu di UNA. Den terminologia universitario e dia di ayera yama Dies Natalis (dia ku e instituto a nase). Ayera a anunsiá ku UNA lo kambia su nòmber i awor lo yama University of Curaçao dr. mr. Moises Frumencio da Costa Gomez.


Tabata promé biaha for di despues di lantamentu di e instituto ku esei ta tuma lugá den kuadro di un Kòrsou

outónomo den reino. P'esei, segun dr. Goede, por yama e selebrashon aki, partikular. E rector a enfatisá sinbargo ku e mision di Universidat Doktor lo keda mesun kos ku ta e preparashon di generashonnan di futuro, no solamente di Kòrsou, pero di nos region.


Dr. Goede a refleksioná tambe riba e situashon aktual. Segun dr. Goede, e universidat a demostrá den último 32 aña ku e ta un instituto importante pa desaroyo di nos pais. Sinbargo, segun dr. Goede, mester tin koutela tantu internamente komo eksternamente ora ta atendé ku e instituto, pasobra un Universidat no ta algu ku ta di

mes. Awor aki Universidat ta konfrontá défisitan finansiero grandi i Gobièrnu lo mester yuda pa sana e situashon. E intrankilidad ku tabatin den último añanan na e instituto a afektá su imágen. Pa logra mihó resultado, komunidad universitario tambe mester atkerí na kambio. Di otro banda, e potensial di Universidat nunka antes tabata dje grandi ei. E formashon akreditá ku universidat ta duna ta un base sólido pa internashonalisashon. E aliansasnan ku a sera ku otro sektornan rondó di Universidat ta hasi inovashon trans-sektoral den loke a haña e nòmber "Knowledge Zone" posibel. "Universidat lo mester pasa den un periodo di ahuste intensivo, pero despues e futuro lo ta briante", asina dr. Goede a sigurá.

E disertashon prinsipal tabata na enkargo di Prof. dr. Herman van Gunsteren ku e título "Wat maakt een politiek regime veerkrachtig?". Despues ku e katedrático a muestra ku e humanidat mester siña biba ku inseguridat pa motibu di kambionan kontinuo, el a duna komo resèpt ku e mihó manera pa kontrarrestá esei ta ku maneho, direkshon i




organisashon propio. Direkshon, entre otro diversividat, selekshon i kòntrol indirekto, asina Van Gunsteren a bisa.



Di UNA pa University of Curaçao mr. dr. Moises Frumencio da Costa Gomez

WILLEMSTAD - muri na 1966. E ta ser Universiteit Nederlandse Antillen a haña nòmber nobo: for di ayera nochi e yama ofisialmente University of Curaçao mr. dr. Moises Frumencio da Costa Gomez. Esei minister di Enseñansa René Rosalia a anunsiá ayera nochi. E kambio di nòmber aki a bira nesesario, despues ku Antia a stòp di eksistí. Dia 10 di òktober aña pasá, a desmantelá Antia ofisialmente i a lanta e entidadnan nobo. Kòrsou i St. Maarten a bira pais outónomo den Reino i e islanan Boneiru, Saba i Statia a bira un sorto di munisipio spesial di



Ulanda. Moises Frumencio da Costa Gomez, konosí tambe popularmente komo "Dòktor", a nase na 1907 i a

E ta konosí tambe di a hiba un lucha fuerte pa emansipashon di e klase di hende pretu den añanan sinkuenta i sesenta. Dòktor da Costa Gomez tabata durante hopi aña na kabes di Partido Nashonal di Pueblo. No tin duda ku e partido aki ta hopi kontentu ku e desishon pa duna e máksimo instituto di formashon di nos pais e nòmber aki.


E desishon ta kuadra tambe ku e tendensia di e aktual gobièrnu pa honra figuranan grandi den nos historia, dunando nan nòmber na institutonan importante di nos pais. Minister Rosalia a enfatisá e punto aki. El a bisa, ku ta masha importante i e aktual gobièrnu ta duna masha balor na honra nos hendenan di e forma aki.

GOLD 2 CASH

BO mester di KÈSH?

Pant / Bende Bo Oro pa KÈsh!

Interes for di 6%, esun mas abou den merkado.



AWOR HABRÍ
Colon Shopping Center 14
Tel.: 462-4376

HABRÍ di Djaluna pa Djasabra
9:30 AM - 6:30 PM NON STOP

Vinik Plaza
Sta. Rosaweg 89, 89A, Unit K9
Tel.: 747-7472
HABRÍ di Djaluna pa Djasabra
9 AM - 5 PM NON STOP